


釋氏十
三經註
疏

楞嚴經纂註

卷七
之八

冊六十



大佛頂如來密因修證了義諸菩薩萬行首楞嚴經
纂註卷第七

唐天竺沙門般刺密諦譯

唐烏菴國沙門彌伽釋迦譯語

唐菩薩戒弟子前正議大夫同中書門下平
章事清河房融筆受

明檣李沙門眞界纂註

阿難。汝問攝心。我今先說入三摩地。修學妙門。求菩
薩道。要先持此四種律儀。皎如冰霜。自不能生一切
枝葉。心三口四。生必無因。阿難。如是四事。若不失遺。

言持履義書卷一
心尙不緣色香味觸。一切魔事云何發生。

結示攝心遠魔之要也。蓋內攝遠魔之要。以戒爲先。故先說妙門。言求菩薩道。要先持四律者。四律爲本。餘戒爲末。故四律潔淨。而枝葉不生也。心三口四生。必無因者。謂姪殺盜妄之念。乃生貪瞋癡等之因。故四律淨。而七支欲生無因也。言魔事不生者。謂魔由妄念而有緣想而生。四事不遺。妄心已息。不緣外境。現業已違。故一切魔事不復發生。正定由斯而可入矣。

若有宿習不能滅除。汝教是人一心誦我佛頂光明

摩訶薩怛多般怛囉無上神呪。斯是如來無見頂相。
無爲心佛從頂發輝。坐寶蓮華所說心呪。
未現業易制。自行可違。宿習難除。必假神力。今夫行。
無人。好正而固邪。欲潔而偏染。不教而能不願而爲。
又隱然若有驅策而不能自己者。宿習之使也。德隆。
且而福鄙。行善而身凶。多障多冤。數病數惱。綿然若。
有機緘而不能自釋者。宿習之召也。茲非一生一。
劫之緣。乃無始來念念受熏者。自非神力莫能脫。
之。故教誦持神呪也。摩訶薩怛多般怛囉。此云大。
白傘蓋。卽藏心也。量廓沙界曰大。體絕妄染曰白。

用覆一切曰傘蓋。神呪從此流演。故名心呪。無見頂者。示頂法。不可以見見也。然前說定慧。破煩惱障。復明戒學。以止罪業。今說神呪。能破宿殃。兼除報障。三障苟亡。不證何待。

且汝宿世與摩登伽。歷劫因緣。恩愛習氣。非是一生及與一劫。我一宣揚。愛心永脫。成阿羅漢。彼尙姪女。無心修行。神力冥資。速證無學。云何汝等在會。聲聞求最上乘。決定成佛。譬如以塵揚於順風。有何艱險。無此證神呪。能消宿習也。登伽姪質。猶能速證。聲聞道器。固易冥資。云何合作何呪。愛心永脫。指初聞

呪得阿那含也。成阿羅漢。指前文殊簡圓通後也。
若爾。由聞法故。方成無學。何爲神力冥資耶。良以
密承呪力。顯藉法音。內資外熏。乃能速證。若但因
呪而不因法者。何故前云。性比丘尼。聞說偈已成
貪阿羅漢。譬如下塵。譬宿習風。如神呪。順風揚塵。散
之則易。誦呪除習。脫之匪難。
若有末世。欲坐道場。先持比丘清淨禁戒。要當選擇
戒清淨者。第一沙門。以爲其師。若其不遇眞清淨僧。
汝戒律儀。必不成就。戒成已後。著新淨衣。然香閑居。
誦此心佛所說神呪一百八遍。然後結界。建立道場。

求於十方現住國土無上如來放大悲光來灌其頂。
光明結界建立道場之前方便也。師者人之模範。正
邪所自出。故不遇第一眞僧。則律儀不得成就。誦
苦呪百八。表滅百八煩惱也。三毒煩惱。要當斷
阿難。如是末世清淨比丘。若比丘尼。白衣檀越。心滅
貪婬。持佛淨戒。於道場中發菩薩願。出入澡浴。六時
行道。如是不寐。經三七日。我自現身至其人前。摩頂
安慰。令其開悟。

前云求佛灌頂。今佛現身。名爲感應。旣得感應。心
必開悟也。

阿難白佛言。世尊。我蒙如來無上悲誨。心已開悟。自知修證。無學道成。末法修行。建立道場。云何結界。合佛世尊清淨軌則。

陳開悟以問結壇軌則也。言自知修證等者。知攝華心遠魔。呪力冥資。聖果可期也。

佛告阿難。若末世人願立道場。先取雪山大力白牛。食其山中肥膩香草。此牛惟飲雪山清水。其糞微細。可取其糞。和合旃檀。以泥其地。若非雪山。其牛臭穢。不堪塗地。別於平原。穿去地皮五尺已下。取其黃土。和上旃檀。沈水。蘇合。薰陸。鬱金。白膠。青木。零陵。甘松。

及雞舌香。以此十種細羅爲粉。合土成泥。以塗場地。
不此示結壇塗地之法也。雪山牛乳。純是醍醐。所有
茹退。最爲香潔。但和一味旃檀。即可塗地。苟無此
食者。卽取深淨黃土。和上十香之粉成泥。以塗場地。
方圓丈六。爲八角壇。壇心置一金銀銅木所造蓮華。
華中安鉢。鉢中先盛八月露水。水中隨安所有華葉。
取八圓鏡。各安其方。圍繞華鉢。鏡外建立十六蓮華。
十六香鑪。間華鋪設。莊嚴香鑪。純燒沈水。無令見火。
取白牛乳。置十六器。乳爲煎餅。并諸沙糖。油餅。乳糜。
蘇合。蜜薑。純酥。純蜜。於蓮華外。各各十六。圍繞華外。

以奉諸佛及大菩薩。每以食時。若在中夜。取蜜半升。用酥三合。壇前別安一小火鑪。以兜樓婆香煎取香水。沐浴其炭。然令猛熾。投是酥蜜於炎鑪內。燒令煙盡。享佛菩薩。

重此示結壇鋪設供養之法也。蓋壇中施設意在勝境攝心。使無異緣。專心道業也。所陳供養。諸佛菩薩不食此食。爲令福增示現而食。令修行者福慧具足。如佛受純陀最後供養。令其具足。檀波羅蜜。同此亦如是。故須供養。

令其四外徧懸幡華。於壇室中。四壁敷設十方如來

及諸菩薩所有形像。應於當陽張盧舍那。釋迦。彌勒。
阿閼。彌陀。諸大變化觀音形像。兼金剛藏。安其左右。
帝釋。梵王。烏芻瑟摩。并藍地迦。諸軍荼利。與毗俱胝。
四天王等。頻那夜迦。張於門側。左右安置。又取八鏡。
覆懸虛空。與壇場中所安之鏡。方面相對。使其形影。
重重相涉。

此示中外懸設之法也。當陽正位盧舍那等寂場。
真主也。彌勒。當來真主也。阿閼居東。彌陀居西。智。
悲真主也。諸大變化觀音形像。上同下合真主也。
金剛藏常領金剛護持呪人。伏魔斷障真主也。門。

側左右釋梵等眾。有力外護也。末法修行。凡賴於此。一有所闕。必不成就。烏芻火頭金剛。藍地迦青面金剛。軍荼利金剛。異號也。毗俱胝。亦大神變等。毗盧神變經稱。左邊毗俱胝。三目持鬘髻是也。頻那夜迦。卽豬頭象鼻二使者。上下之鏡。方面相對。使其形影重重相涉者。意示事事無礙之相。欲令契此以修法界大行也。能修法界大行。則一華一香。徧供塵刹。一行一相。充擴無窮。則此上下施設。非苟然也。

於初七中。至誠頂禮十方如來諸大菩薩阿羅漢號。

恆於六時誦呪圍壇至心行道。一時常行一百八徧。
第二七中。一向專心發菩薩願。心無間斷。我毗奈耶。
先有願教。第三七中。於十二時一向持佛般怛囉呪。
至第七日。十方如來一時出現。鏡交光處。承佛摩頂。
卽於道場修三摩地。能令如是末世修學。身心明淨。
猶如瑠璃。

凡所蘄嚮。以皈依三寶爲最初方便。故初七日至。
誠頂禮如來菩薩羅漢名號。所以假其不思議力。
發行助道也。然非願力無以持之。故第二七日依。
毗尼教。專心發願也。行願堅強。則得大勇猛。故第

三七日時無間歇一向誦持神呪遂能以精誠感
格進力克功也。鏡交光處則生佛智照感應道交
會也。身心明淨謂宿習緣障纖悉蕩盡此感應克功
事也。

阿難若此比丘本受戒師及同會中十比丘等其中
有一不清淨者如是道場多不成就從三七後端坐
安居經一百日有利根者不起於座得須陀洹縱其
身心聖果未成決定自知成佛不謬汝問道場建立
如是。

得須陀洹者謂得入聖流也。然壇法行相此土末

世行之惟艱。然所誦呪。下文亦許不入道場。故使
有緣隨器受益。

阿難頂禮佛足而白佛言。自我出家。恃佛憍愛。求多
聞故。未證無爲。遭彼梵天邪術所禁。心雖明了。力不
自由。賴遇文殊。令我解脫。雖蒙如來佛頂神呪。冥獲
其力。尙未親聞。惟願大慈。重爲宣說。悲救此會諸修
行輩。未及當來在輪迴者。承佛密音。身意解脫。於時
會中一切大眾。普皆作禮。佇聞如來祕密章句。爾時
世尊從肉髻中。涌百寶光。光中涌出千葉寶蓮。有化
如來坐寶華中。頂放十道百寶光明。一一光明皆徧

示現十恆河沙金剛密跡擎山持杵徧虛空界大眾
仰觀畏愛兼抱求佛哀祐一心聽佛無見頂相放光
如來宣說神呪。

昔阿難密承呪力得解姪難故曰冥獲未聞今乃
重請顯說意在悲救此會及當來也。

南無薩怛他蘇伽多耶阿羅訶帝三藐三菩陀寫一

薩怛他佛陀俱胝瑟尼釤二南無薩婆勃陀勃地薩

跢鞞弊三毗南無薩多南三藐三菩陀俱知南四娑

舍囉婆迦僧伽喃五南無盧雞阿羅漢跢喃六南無

蘇盧多波那喃七南無娑羯唎陀伽彌喃八南無盧